

ELLAMPUS (NOTOZUS) OLGAE, sp. n.

DESCRIPSIT

Andreas Semenow.

♂♀. Major, gracilis, elongatus, nitidulus, antennarum scapo flagellique articulo 1°, pedibus (tibiarum apicibus tarsisque exceptis), capite, thorace plus minusve subaurato-viridibus, capitis clypeo magis aurato, vertice thoracisque dorso (praesertim autem metanoto) vage plus minusve cyanescensibus, abdomine igneo-aurato (praecipue segmento 3°), basi et ad latera leviter virescenti, ventre viridi-aurato, mandibularum medio, tibiarum summis apicibus tarsisque totis pallide testaceis, tegulis obscure cyaneo-viridibus, interdum viridi-subauratis; capite, thoracis maxima parte, abdominis lateribus segmentoque ultimo nec non pedibus haud dense cano-pubescentibus. Antennis articulo 3° secundo $1\frac{2}{3}$ longiore. Capitis clypeo, vertice pone stemmata temporibusque remote simpliciter punctatis, interstitiis punctorum laevibus, vertice intra stemmata multo crebrius punctulato, fronte sat crebre fortiterque subreticulato-punctata, cavitate faciali angusta, in medio sat profunda, parum determinata, levissime subtransversim vel potius oblique rugulosa; temporibus articulo 3° antennarum paulo longioribus, angulo temporali obtuse rotundato; genis angustissimis, subnullis. Pro-

et mesonoto haud crebre sed sat fortiter (antrorum paulo crebrius et subtilius) punctatis, pronoto utrinque vix subcallosa-laevigato; scutello punctato-reticulato, basi in medio spatio plus minusve distincto impunctato praedito; postscutello regulariter reticulato, mucrone elongato, deplanato, subtriangulari, apice obtuse rotundato (saepius subtruncato) paulo angustiore quam in medio; metanoto grossius reticulato-rugoso; mesopleuris parum profunde subreticulato-punctatis, angulis postico-lateralibus brevibus. Abdomine gracili, elongato, dorso parum convexo, nitido, segmentis dorsalibus 2 primis subtiliter plus minusve remote punctatis, ad latera punctis majoribus piliferis intermixtis, segmento primo impressione profunda longitudinali a basi ultra medium producta, in fundo strigiformi saepiusque spatio parvulo impunctato terminata notato; segmento 3° (ultimo) multo fortius grossiusque punctato (basi media excepta), pubescenti, haud carinato, lateraliter bisinuato, sinu superiore longiore parumque profundo, sinu inferiore valde profundo et angusto, intra hos margine laterali lobum sat prominulum, impressum et ad latus anguste testaceo-pellucidum formante; apice reflexo nigro-piceo medio valde profunde et anguste inciso, lamellas 2 longe productas, apice obtusas leviterque deorsum incurvas efficiente; ventre crebre punctato-rugoso. Femoribus anticis basi angulo prominulo haud acuto instructis; unguiculis tarsorum margine interno bidenticulato. Alis sordidis (anticis praesertim circa venam discoidalem infumatis), basi late hyalinis.—Mas feminae omnino similis.

Long. 6—7 mm.; lat. abdominis ca. $2\frac{1}{5}$ — $2\frac{1}{2}$ mm.

Hab.: *Rossia centralis*. Tria specimina in districtu Dankowensi provinciae Rjazanensis in nemore Kazatschij dicto nec non prope Gremjatschkam pagum initio Junii mensis a. 1890 cepi. — Praeterea in Museo Zoologico Academiae Caesareae Scientiarum Petropolitanae 2 exemplaria ejusdem speciei, in provincia Penzensi a Dom. Czekanowski olim collecta, observantur.

Species distinctissima, segmenti ultimi abdominalis, praesertim autem ejus apicis structura singulari ab omnibus speciebus hujus subgeneris cognitis divergens; secundum „Monographiam Chrysididarum orbis terrarum universi“ cl. A. Mocsáryi ad subgeneris *Notozus* Först. divisionem I. 2 referenda.

Quoad statram, habitum coloremque corporis, accedit haec species *Ellampo* (*Notozo*) *Panzeri* F., a quo tamen magnitudine plerumque paulo majore, postscutelli mucrone minus rectangulari apiceque minus rotundato, abdominis longioris et gracilioris apice reflexo aliter formato aliisque notis facillime distinguenda est.

M. Martio a. 1891.

